




datacolor





1133

1589

35295







[Faint, illegible handwritten text, possibly bleed-through from the reverse side of the page.]

ce
pe
Cr
ex
Co
de
su
B

4 Recueil de. pieces sur
ce. qui s'est passé en France,
pendant l'année 1589.

La premiere. est les
Cruautés Sanguinaires
exercées enuers feu M^r. le
Card. de Guise

La vint septieme. Va
derniere. Discours véritable,
sur le fait de. Marthe
Brossier.





Handwritten text, likely bleed-through from the reverse side of the page. The text is mirrored and difficult to decipher but appears to contain several lines of script.



92
p

LES PAROLES
Quele Roy d'Espagne
TINT, QVAND IL RE-
CEVT NOUVELLES DE LA
mort de Messieurs les Cardinal &
Duc de Guyse, protecteurs & defen-
seurs de la Relligion Catholique, Apo-
stolique & Romaine, & du Royaume
de France.



A PARIS,

Chez Michel Iouin, rue Saint Jacques,
à la Souche.
1589.
Avec Priuilege.

Handwritten initials and a flourish.

29

LES PAROLES
Du Roy d'Espagne

TINT QUAND IL RE-
ÇUT NOUVELLES DE LA
mort de Messieurs les Cardinaux &
Ducs de Guise, protecteurs & de-
fenseurs de la Religion Catholique Apo-
stolique & Romaine, & du Royaume
de France.




A PARIS

Chez Michel Lottin, sur Saint Jacques
à la Bouche.

1720.
chez l'Imprimeur.

LES PAR
elles de la mort d
dinal & Duc de G
frayeurs de la relig
lique & romaine
cament du
de les rou
leur maist
railler à l
comme
premier
trompé
en la per
mas de



LES PAROLES QVE

le Roy d'Espaigne eint, quant il receut nouvelles de la mort de Messieurs les Cardinal & Duc de Guise, protecleurs & defenseurs de la Religion Catholique, Apostolique & Romaine, & du Royaume de France.



A mal cieuse rage les confederes du diable (Messieurs) a l'encontre des seruiteurs de Dieu, a tousiours esté tant effrenez, que depuis le commencement du monde ils n'ont cessé de les tourmenter, & à l'exemple de leur maistre, seduire les hommes, les tailler à leur poste, & les attirer à eux comme leur dit maistre deceut nostre premier pere Adam, lequel ayant esté trompé par iceluy, persista peu de réps en la perfection en laquelle Dieu l'auoit mis & colloqué, l'ayant créé tellement

iuste & parfait, qu'il merita estre dit for-
mé à son image : toutes fois ce meschâ-
diable cauteleux l'induit à offencer ce-
luy qui l'auoit créé, & donné domina-
tion sur toutes les choses qui estoient
sur la face de la terre, iacoit mesmes que
il fust aduertý du dâger auquel il estoit
pres de tomber, fil se reuoltoit de l'o-
beissance de son Createur.

Gen. 3.

Or ne nous esbahissons pas donc au-
iourd'huy si les confederez de ce sub-
til ennemy sefforcent avec violence,
arracher l'Eglise de Dieu de dessus la
terre : ne s'ils s'adressent si hardyment
à ses protecteurs Messeigneurs les Car-
dinal & Duc de Guyse, lesquels le Roy
de France a fait massacrer cruellement
& barbarement en son cabinet en la
ville & chasteau de Blois, comme auât
hier i'en receu les nouvelles que Domp
Bernardin de Mandoca mon Ambaf-
sadeur pres le roy de France m'en es-
criuoit.

Quand ie vous dis ces nouvelles, ie
fonds en larmes & m'esmerueille com-
me Dieu qui est iuste retributeur du bié
& du mal, n'a enuoyé son foudre & son

tonnerre sur la teste de ce meschât roy
 pour auoir fait massacrer ses deux en-
 fans bien-aymez de luy, lesquels repo-
 sent vrayement dans le Sein d'Abrahâ.
 Mais vne chose me console, que tout
 ainsi cōme le diable maistré de ce mes-
 chât Roy a esté vaincu par le Dieu guer-
 rier, & precipité au profond des abyf-
 mes, ainsi qu'il confondra ce meschant
 roy, & l'accablera avec tous ses sup-
 posts.

Ne nous esbahissons pas donc, si ce
 meschât roy guidé du diable prend les
 armes & le feu pour meurtrir l'Eglise
 de Dieu & l'extirper, & n'en entrons en
 aucune frayeur, veu que nous sommes
 acertenez qu'elle & les vrays enfans &
 esleuz seront tousiours au combat en
 victoire cōtre luy, & ce afin que nostre
 bon Dieu monstre sa force estre plus
 grande que celle de ceux qui osent en-
 treprendre contre luy guerre, & contre
 sa vraye espouse nostre mere sainte E-
 glise.

Abel fils d'Adam commença le pre-Gen.4.
 mier à sentir sur son corps les cruautez
 preparees à ceux qui d'un cœur pur &

simple s'efforceroient à seruir Dieu, lequel fut de son propre frere tué cruellement pour telle querelle. Voila pourquoy nous ne nous deuons pas estonner si pour semblable cas ces bons princes Messeigneurs les Cardinal & Duc de Guyse ont esté ainsi inhumainemēt massacrez, & mesmes en ceste infaulte ville de Blois, *tanquam oues ad occisionem*, comme des brebis à la boucherie, ainçois au contraire nous nous deuons resiouir de ce que le bon Dieu nous faict tant de bien que nous estimer dignes d'estre appellez à tesmoings de son tres-sainct Euangile, veu que son vniue filz nostre sauueur & redēpteur Iesus christ apres la mort de tant de Prophetes, a bien voulu luy mesme mourir pour telle querelle, & depuis ses Apostres & tāt de milliers d'autres sainctes personages & certes tels tourmēs sont les plus fortes armes desquelles Dieu se sert pour estendre les bornes de son regne.

Quand nous voyons le sang espandu de quelcun de nos freres pour la querelle de nostre Dieu, nous nous deuons asseurer que leur sang sert de semence

5.

pour faire engendrer cent ou mille autres hommes dediez au seruire de Dieu que no^s apperceuons bié si no^s reuoltons les vies & martyres des Saincts & des peres, desquels le sang a seruy de semence pour engédrer cent voire mille autres. Act. 14. Aussi comme dit saint Luc, Les persecutions sont l'eschelle par laquelle il nous faut monter aux cieus, & n'y a chose qui nous assure dauantage nostre religiō que de la voir oppressee ainsi qu'elle l'est, & d'endurer les oppressiōs des adherés du Diable, dont nous sommes si foulez, suyuāt ce que nostre Sauueur & redempteur a prophetisé, disant à ceux qui seront pour luy & soustien drōt sa iuste & sainte querelle, Ils vous Mat. 23. liureront aux consistoires & assemblees ou vous serez souüettez & serez menez deuant les Gouverneurs & les roys à cause de moy en tesmoignage à iceux, & serez hays de tous pour mon nom, & euideront la pluspart de ceux qui resisteront à l'Euangile faire chose agreable à Dieu, & ce d'autant qu'ils ne cognoissent point Dieu, ains seulement le monde, auquel il nous faut renoncer Ioan. 16.

pour servir à Dieu, & à l'exemple de
Saint Paul le crucifier.

Marc. 8.

Nous suivrons donc Iesus Christ, &
porterons la crois apres luy, sans auoir
honte de luy, ce que s'il nous aduenoit,
pour certain il se vergongneroit aussi
de nous, & le supplions nous vouloir
fortifier, afin que la cruelle tyrannie de
nos ennemis ne nous prouoque a le re-
noncer: car il renoncera deuant son
pere ceux qui l'auront renoncé deuant
les hommes, & que les bourreaux se

Mat. 10.

lassent plustost de nous tourmèter que
nous d'endurer, comme ont fait nos
freres, ce que d'une ferme foy nous

Heb. 13.

croions qu'il fera: Car celuy qui estoit
hier est auourd'hui, & sera toujours,
& des bons Princes ne sont pas les pre-
miers oppressez, qui par les cruantez
des malins ayent esté massacrez, car les
bons Catholiques ont toujours esté
oppressez & forcez, & le sont encores
tant aux pays où ce meschant Roy de
France est, & ce detestable Roy de Na-
uare, qu'ils les contraignent ou de souf-
frir cruelle mort, ou d'abandonner leurs
pays, femmes & enfans, & delaisser leurs

biens

biens en proye à ces loups rauiffans
d'argent, qui n'en feront iamais rafasiez
non plus que Tantale & Midas.

○ Iacob pour euiter la fureur de son Gen. 27.
frere Esau fut contrainct s'enfuir en
Carran, Moyle en Madian pour la crainte
de Pharaon, Elie en Sarepha pour
Acab & sa mauuaife femme Iefabel, Rois 18.
Iesus Christ & fes Apostres en plusieurs
& diuers lieux, ainsi ces bons catho-
liques s'enfuirent hors de la fureur de ce
meschant heretique.

○ J'ay dit ces choses, Messieurs, afin
que ne trouviez estrange si les bons Ca-
tholiques, comme nous sommes, sont
tant tourmentez par les heretiques, &
sont tant vilipendez entre eux, & esti-
mez comme l'ordure du monde, ce que
auoit predit Ieremie en ces mots, Lament. 3.
Tu nous as mis en horreur & opprobre au
milieu des peuples, tous nos ennemis
ont ouuert leur bouche sur nous. Cer-
tes cela conuient avec l'Euangile de Mat. 10.
Dieu, lequel a enuoyé son fils Iesus
Christ en ce monde, non pas pour por-
ter la paix, mais le glauié & le feu: tou-
tesfois son saint Euangile fera au tēps

des afflictions comme la palme laquelle oppresse s'esleue dauantage.

Te vous veulx supplier & admonester au nom de Dieu, combien que i'aye cō mandement sur vous, & que soyez mes subiects, Messieurs, decō uider ce méchant acte, ce cruel massacre, commis aux pilliers de l'Eglise Catholique Apostolique & Romaine, chose certes non ouye entre les nations plus barbares ou cruellement sanguinaires.

Or ce sont deux Cardinaux, vn Archeuesque, & quelques Docteurs de Sorbonne qui ont permis cela, qui sont semblables à ceux desquels il est parlé en saint Marc douzième, saint Mathieu vingt vnième, Esaie cinquiesme, & saint Luc vingtiesme, que pour s'approprier de la Vigne du Seigneur ont tué ou consenti de tuer les seruiteurs, & cōtinuerāt de cōsérir de meurtir les sectateurs de son Euangille, monstrantre par tels actes qu'ils sont vrayz ennemis de la parole de Dieu, & de nous qui ne demandons que viure selon icelle, & ce d'autant que c'est celle qui rend tesmoignage contre eux de leurs mauuai-

ses ceuures : a uffi les gens d'Eglise ont
 esté tousiours; tels, & des long temps
 mesmes, quant on se seruoit de Sacrifi-
 cateurs qui ont le plus contrarie aux
 Prophetes, ie nten ceux qui auoient de-
 laiffé la loy de Dieu, desquels le nom-
 bre à tousiours esté plus grand. Sur-
 quoy ie ne m'amuseray, ne mesme ne
 tourmenteray de vous amener beau-
 coup d'histoi res, mais celle de Ieremie
 suffira, laquel le porte que luy propheti-
 fant au peuple la ruine de Ierusalem, me
 fut iniurié d'autres que du fils d'Emer
 Sacrificateur., Assur qui estoit Gouver-
 neur en la maison du Seigneur par le-
 quel il fut non seulement emprisonné,
 mais aussi batu, depuis ces malheureux
 prestres le vouloiét faire mourir à tou-
 te force, si en de pit d'eux il n'eust esté
 gardé par d'aucuns qui cognoissoient
 qu'il n'estoit pas digne de mort.

Mat. 25.

Marc. 15.

Luc. 1.

Iean. 20.

Mat. 2.

Iean. 17.

L'Euangile est plain des iniures, blas-
 phemes, fausses accusations & subor-
 nemens de tesmoings que ces malheu-
 reux prestres ont faict contre nostre
 Sauueur & Redempteur Iesus Christ,
 parquoy n'espluchant tous cespasages

Iean. 11.

particulièrement s'amise vous que ce sont ceux qui pour le faire perir conseillerent à Herodes de faire mourir tous les enfans, pensant par ce moyen le mettre à mort.

Ce sont ceux qui ont voulu faire tuer le Lazare, à fin que ses œuvres ne fussent cogneues.

Mat. 27.

Ce sont ceux qui l'ont achepté de Iudas à deniers contents, présenté à Pilate, & forcé par menace a le condâner à mort, ce sont les prestres (Messieurs)

Au mesme.

qui ont estimé plus Barrabas, le plus grand larron de Iudée, que nostre Seigneur: ce qui n'est de merueille, car eux estans larrons, i s'ont estimé les larrons comme eux. Ce sont eux qui induirent


Mat. 27.

la forte populace a crier, & eux mesmes crièrent, lors que Pilate assez sangui-naire voulut deliurer nostre Sauueur & Redempteur Iesus Christ, comme innocent, Oste, oste le, & n'est pas merueille s'ils pourchassent encor son sang sur nous, car i s'ont prins sur eux & sur leurs en-ans: ce sont eux lesquels non contents de l'auoir mené au gibet, pensant effacer sa memoire de dessus la face

de la terre, estans assurez par les gardes que selon les Prophetes il estoit resuscité, leur donnerent grand somme d'argent, a fin qu'ils dissent que les Apostres l'auoient desrobé la nuit: mais le Seigneur a esté plus puissant qu'eux, qui nous a laissé tels herauts de sa mort & resurrection, que la nouvelle en a esté espendue sur toute la terre. C'est eux qui depuis sa mort ont defendu aux Apostres d'enseigner en son nom, ils ont fouetté Saint Pierre & Saint Iean, c'est eux qui pour suiurer Saint Paul pour le faire mourir, d'autant qu'il annonçoit la parole de Dieu. Voyez donc (Messieurs) comment quelques prestres, qui sont aupres du roy de France ont mis le royaume mal, & en quelle decadence & deffastre, mais ne vous en esbahissez pas, ayant remarqué ce que ie vous viens de dire, mais apprenez de moy que sont les prestres qui ont estriué contre Dieu les Prophetes & Docteurs, cobien toutesfois que ie sache bien qu'il y a de bons & dignes prestres, desquels monseigneur le Cardinal de Guyse estoit le chef, mais co-

fiderez les meschancetez des prebstres,
messieurs, & en les considerant vous ne
pourriez faire autrement que de vous
esmerueiller grandement, & de ne me
pas croire, si ie alleguois les presonnes
avec le tesmoignage de l'Euangille &
sainctes escriptures, que à l'impression
de cecy que ie viens de dire comman-
deray mettre en marge.

La douleur qui ne point, Messieurs,
m'empesche que ie ne die rien d'avan-
tage, seulement ie vous prie de pren-
dre les armes pour la querelle de no-
stre Dieu, & deffense de son sainct nom
contre le roy de France son ennemy,
& de sa vraye espouze nostre mere
saincte Eglise, & il vous aydera.



n
ft
e-
u
ol
a-
e
r-
a,
er
r-
s-
i,
ut
n
m
r-
é,
ir-
ns
pp
u-
ils
ois
re
?

